

UGOVOR O JAVNOJ NABAVCI - USLUGE

Između:

1. **KJKP "Vodovod i Kanalizacija" d.o.o. Sarajevo**, ul. Jaroslava Černija broj 8., Sarajevo (u daljem tekstu: **Naručilac usluga**), koga zastupa direktor **Nezir Hadžić**, Magistar uprave
i
2. **"MIBO KOMUNIKACIJE" d.o.o. Sarajevo**, ul. Tvornička broj 3., Sarajevo, (u daljem tekstu: **Pružalac usluga**), koga zastupa direktor **Marko Boštjančić**.

Član 1.

Predmet ovog ugovora je pružanje usluga : **"Održavanje telemetrijskog sistema vodovoda"** (predmetna nabavka je planirana pod rednim brojem 135. u Planu nabavki za 2016.g.), po provedenom otvorenom postupku broj 96/16, a sve prema tenderskoj dokumentaciji br. 96/16 i usvojenoj ponudi broj: PON-1816/16 od 20.12.2016. godine koja je sastavni dio ovog ugovora.

Član 2.

Ukupna vrijednost nabavke iz člana 1. bez uključenog poreza na dodanu vrijednost je fiksna i iznosi: **125.174,00 KM (slovima: stodvadesetpethiljadastosedamdesetčetiri KM)** i to obuhvata sljedeće :

- ukupna vrijednost redovnog održavanja telemetrijske opreme za period od 24 mjeseca bez PDV-a: **94.560,00 KM (slovima: devedesetčetirihiljadepetstošezdeset KM)**
- ukupna vrijednost specifikacije rezervnih dijelova za održavanje telemetrijskog sistema vodovoda za period 24 mjeseca bez PDV-a: **30.614,00 KM (slovima: tridesethiljadašestočetрнаest KM)**.

Ukupna vrijednost nabavke iz člana 1. sa uključenim PDV-om je fiksna i iznosi: **146.453,58 KM (slovima: stočetrdesetšesthiljadačetiristopedesetri i 58/100 KM)** i to obuhvata sljedeće :

- ukupna vrijednost redovnog održavanja telemetrijske opreme za period od 24 mjeseca sa PDV-om: **110.635,20 KM (slovima: stodesethiljadašestotridesetpet i 20/100 KM)**
- ukupna vrijednost specifikacije rezervnih dijelova za održavanje telemetrijskog sistema vodovoda za period od 24 mjeseca sa PDV-om: **35.818,38 KM (slovima: tridesetpethiljadaosamstoosamnaest i 38/100 KM)**.

Član 3.

Pružalac usluga se obavezuje da usluge koje su predmet ovog ugovora pruža po pojedinačnim narudžbama u kojima će biti preciziran način i dinamika vršenja usluga, a **sve prema uslovima iz tenderske dokumentacije i prihvaćene ponude.**

Član 4.

Pružalac usluga se obavezuje da će predmetne usluge pružati na sljedeći način : **sukcesivno u toku 24 mjeseca, u slučaju kvara izlazak na teren u roku od najviše 2 sata po pozivu u radnom vremenu odnosno u roku od najviše 4 sata po pozivu van radnog vremena a otklanjanje kvara u roku od najviše 24 sata.**

Pružalac usluga se obavezuje da će na dan zaključivanja ovog ugovora i tokom perioda trajanja ugovora na skladištu imati minimalno sljedeće module i opremu:

1. **Allan Bradley**: CPU 1747-L532 (5/03 16K Mem. 0S302), 1746-NI8 (Analog 8 Channel Input-Class 3), 1746-IB32 (32-Input sink 24VDC), 1746-OW16 (16-Output RLY 240 VAC), SLC500 Marc modem Omnii-comm (part no 166-101), 1746-A7 (7-Slot Rack), Power supply 1746-P3, adapter 1747-AIC+, adapter 1747-UIC

2. **Moscad**: CPU series 420 module for moscad+fsk radio modem bd, 16 Digital Input module, 60DI Digital Input module, 16DO Digital Output module, 8AI Analog Input module, MIX I-O module, 6 Slots moscad+motherboard, P.S chgr 220VAC/14VDC 8A, Battery 12V /12Ah, radio stanica za UHF

3. **Motorola ACE3600**: CPU 3640; Mix modul, modul 32DI/DO, modul 4AO/8AI, napojna jedinica 220VAC/14VDC 8A sa punjačem, Battery 12V /12Ah, 3 Slots motherboard, radio stanica za UHF

4. Jedan rezervni UPS i PC računar dovoljnog kapaciteta za izvođenje bilo koje postojeće SCADA aplikacije Naručioca usluga.

Pružalac usluga se obavezuje da će :

- Provjeriti da li su backup-i aplikativnog softvera (SCADA i PLC/RTU) u arhivi Naručioca usluga identični sa aplikativnim softverom na objektima. Ukoliko postoje razlike napraviti backup-e aplikativnog softvera koji odgovaraju stanju na objektima i dostaviti jednu kopiju Naručiocu usluga.

- Osigurati dežurstvo 24/7 za prijavu kvara i na vrijeme dostaviti Naručiocu usluga kontakt telefon i e-mail adresu dežurnog servisera.

- U slučaju kvara izaći na teren u roku od najviše 2 sata po pozivu u radnom vremenu, odnosno u roku od najviše 4 sati po pozivu van radnog vremena.

- Svaki kvar ili zahtjev, koji spada u radove redovnog održavanja, otkloniti u roku od najviše 24 sata.

Pružalac usluga se obavezuje da će izvršiti sve obaveze prema tenderskoj dokumentaciji i usvojenoj ponudi.

Pružalac usluga daje garanciju na isporučenu opremu i rezervne dijelove 12 mjeseci od dana isporuke.

Član 5.

Naručilac usluga se obavezuje da će Pružaocu usluga omogućiti uvid u svu postojeću tehničku dokumentaciju telemetrijskog sistema, te će mu po potrebi dostaviti pristupne šifre i izvorni kod (*source code*) aplikativnog softvera.

Član 6.

Način i uslovi plaćanja su: 60 (šezdeset) dana od ispostavljanja fakture, na transakcijski račun Pružaoca usluga broj: 1401020011330457 kod Sberbank.

Mjesečni paušalni iznos će se platiti nakon dostavljanja mjesečne fakture na transakcijski račun Pružaoca usluga a sve prema tenderskoj dokumentaciji i usvojenoj ponudi.

Član 7.

Osnov za plaćanje izvršene usluge je faktura koju će Pružalac usluga dostavljati Naručiocu usluga, a nakon što je ista ovjerena od strane ovlaštenih lica Naručioca usluga da je usluga obavljena.

Član 8.

Pružalac usluga ima pravo na produženje ugovornog roka u slučaju više sile.

Rok za izvršenje usluga produžit će se za onoliko dana koliko je trajala smetnja.

Pružalac usluga je dužan podnijeti zahtjev za produženje roka Naručiocu usluga u roku od **3 dana** po nastanku razloga za produženje roka.

Produženje roka utvrđuje Naručilac usluga u pisanoj formi i to u roku od **5 dana** po pisanom zahtjevu Pružaoca usluga.

Član 9.

U slučaju kašnjenja u pružanju usluga, do kojeg je došlo krivicom Pružaoca usluge, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Pružalac usluga je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca usluga.

Član 10.

Pružalac usluga se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Naručioca usluga.

Član 11.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno.

Ukoliko sporazumno rješenje nije moguće, nadležan je sud u Sarajevu.

Član 12.

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

Član 13.

Pružalac usluga nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 14.

Naručilac usluga može pisanim obavještenjem poslatom Pružaocu usluga, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Pružalac usluga propusti da izvrši predmetnu uslugu u vremenskom periodu određenom u ugovoru;
- ukoliko Pružalac usluga propusti da izvrši sve druge obaveze prema ugovoru koje bitno mogu djelovati na rad Naručioca usluga;
- ukoliko Pružalac usluga bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obaveznu koju Pružalac usluga ima prema Naručiocu usluga.

Pružalac usluga, može takođe pismenim putem raskinuti ovaj ugovor, u slučaju da Naručilac usluga ne ispuni obaveznu plaćanja, kako je definisano u članu 6. ovog ugovora.

Član 15.

Ovaj ugovor stupa na snagu kada ga potpišu obje ugovorne strane a zaključuje se na period od 24 (dvadesetčetiri) mjeseca od dana potpisivanja istog. Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:

- Tenderska dokumentacija br. 96/16
- Usvojena ponuda br. PON-1816/16 od 20.12.2016. god.

Za Pružaoca usluga

Za Naručioca usluga

v.d. Izvršni direktor
za vodovodni sistem



Kenan Đipa, dipl.ing.el.


Direktor



Marko Boštjančić

Broj: 025/17
Datum: 30-01-2017

Direktor



Nezir Hadžić, Magistar uprave

Broj: 21/17
Datum: 27.01.2017.g.